

LES
OBSERVATIONS
DE PLUSIEURS
SINGULARITEZ ET CHOSES

MEMORABLES, TROUVÉES
en Grece, Asie, Judée, Egypte, Arabie, &
autres pays estranges, redigées en
trois liures, Par Pierre Belon
du Mans.

Renuez de nouveau & augmentez de Figures.

Le Catalogue contenant les plus notables choses, est
en la page suiyuante.



A PARIS,

Chez Hierosme de Marnef, & la veufue Guillaume Cauellat,
au mont S. Hilaire, à l'enseigne du Pelican.

M. D. LXXXVIII.

AVEC PRIVILEGE DV ROY.

& aussi qu'elle est ioliment entassée, quasi comme artificielle, & que les fueilles semblent estre liees avec la fleur. Les Turcs ont des merueilleuses experiences de plusieurs choses, comme pour faire dormir soudainement. Voudroit on chose plus singuliere que de trouver drogue pour faire incontinent dormir quelqu'un qui ne peut reposer ? Ils vôt chez vn droguiste (car ils n'ont point d'Apoticaire), auquel demandent pour demie aspre de la seméce de Tatoula. Puis la baillent à celuy qui ne peut dormir. Tatoula n'est autre chose que ce que les Arabes appellent Nux metel, & les Grecs Solanum somniferum: de laquelle nous en trouuâmes de sauuage en la plaine de Iericho, pres la fontaine d'Helisée. Iouius escriuant de l'Empereur Seleim, dict qu'il auoit quelques fois accoustumé manger d'une semence qui rend les gés ioyeux, & oste la memoire des choses qui rendent les hommes pensifs & molestez des choses hautaines, & que quelques heures apres que on en a mangé, l'on ne demande qu'à se resiouyr, & ne permet qu'on se soucie de penser quelque chose, qui rende l'esprit tourmenté. Mais il ne sçait (dit-il) qu'elle semence peut estre, sinon qu'il luy est aduis que c'est Nepenthes. Mais nous auons veu qu'ils vsent de la semence d'une herbe qui est vulgairement vendue par les marchez de Turquie, nommee Harmala, espece de Rue sauuage, dont auons desia parlé au second liure: de laquelle les champs sont tous pleins & les hayes par toute Turquie, dõt n'en auons point en noz pays. En cherchant leurs plantes, nous sommes souuent trouuez à voir les iardins: mais onc n'en veismes vn plus magnifique que celuy de la seigneurie de Venise à Padouë, dont monseigneur Daniel Barbarus, Patriarche d'Aquilee, homme de grande entreprinse, & excellent en sçauoir, en a esté l'auteur. Le second d'apres, en nostre France à S. Mor pres de Paris. Les arbres qui portent les Afaroles, & autres qui portent les Brognoles, sont communs és iardins de Constantinople. Quant aux autres manieres d'arbres fruiçtiers, cõme Aman diers, Pefchers, Pommiers, & tels communs, desia auõs fait entendre par cy deuant qu'ils sont moult soigneux de les cultiuer.

*Tatoula.**Nux metel.**Recepte à
faire resiouir**Nepenthes.**Harmala.**Daniel Bar-
barus.**Jardin de
Padoue.**Jardin de S.
Mor.**Afaroles.
Brognoles.*